



kat.komp.

22081

III

Mag. St. DA.

P

Paulus Joannes.

Martini Inula augusti honoris

pietatis fortunata.

PANEG. et VITAE

Polon. Fol.

№ 1667.

4 sa

auspic
Perit

D

I

W

S. T.
Col

rum
cu
C

Sa

in A
soph
pro

INSULA

Augusti Honoris & Sapientiæ

FORTVNATA.

IN QVAM

auspicato Virtutis, eruditionis, & meritorum remigio,
Perillustis, Clarissimus, & Admodum Reverendus Dominus,

D. M. PAULUS

IOANNES

WOIEWODZKI,

S. THEOLOGIÆ DOCTOR & PROFESSOR,
Collega Major, Ecclesiarum Collegiatarum,
S. FLORIANI CUSTOS, Pilecensis CANONICUS,
Lenczyciensis CANCELLARIUS, Cathedralis
Cracoviensis pro Solennitatibus CHRISTI

Domini & B. V. Mariæ CONCIONATOR,

Minogensis CVRATVS,

Solenni Actu suæ Responsionis,

PRO LOCO

Inter Perillustres & Admodum Reverendos Dominos,

ALMÆ VNIVERSITATIS CRACOVIENSIS,

Sacræ Theologiæ Doctores, obtinendo,

ENAVIGAVIT.

^A
MARTINO FIDETOWIC,

in Alma Universitate Cracoviensi, Artium Liberalium & Philosophiæ Baccalaureo, in Colonia Neocorcinensi Poëtices Professore.
profundo obæratæ pectoris voto, & debito gratitudinis obsequio

DEMONSTRATA.

Anno Domini 1691. Die 27. Mensis Augusti.

CRACOVIAE, Typis Universitatis.



22081 III

INSULA

Augusti Honoris & Sapientiae FORTVNATA.

AD beatæ felicitatis Insulam,
quam dulces nonnisi perflant iucunditatum Etesiae,
difficilem emetiri Oceanum,
insita quidem est vis cuiq; mortalium;
non rarus tamen dum procellosos eluctatur turbines,
naufragus interit.
Excubant ad illam mille difficultatum portenta,
& casum præcipitem funesta minantur pericula:
Iupiter æquoreus, posuit hic maritimos satellites,
cinctam canibus seuis scyllam rapacem, naufragasq; sirtes;
ne suum inerme imperium,
insolenti scindatur remigio:
fœderatis cum Æolo imperat armis,
cui contorto vortice ad nutum succurrit;
ut ita, ad felices Insulas, difficile commonstrent iter.
Euanidam captat spem ad optatum perveniendi portum,
qui obstantia sibi pericula,
vastò labore, & exundanti sudore non exsuperat:
citiùs ad Caphareum deflexeris,
aut impegeris in Maleam,
quàm Fortunatam Insulam salutabis;
nisi gloriosus viceris spumantia vada.
Hannonem Carthaginis Libycæ Imperatorem,
non sine magno labore, & suæ vitæ dispendio,
per immensa pericula, & infames scopulos,
ultra Herculis columnas, prosperâ triremi lenis deuexit Favonius:
ast Dædalides vada reformidans,
pennis aëra audacter nimum secans, ea præceps subiit;
Æsonides enatans pericula, tulit aureum vellus.
Ita profectò
difficilia quæ pulchra.
Eximij honoris & trabeata sapientiae Insulam,

*anxia cura ambiunt, & pericula circumstant;
ut in arduo funestis casibus circumseptam,
cuiq; attingere sine magno labore & sudore sit inconcessum.
Multos ad tanti honoris apicem contendentes,
vel iniquus obruit Auster, remissior laboris industria,
vel naufragium sæuq; pericula suppressere:*

Tu,

Perillustris, Clarissime & Admodum Reverende Domine,

D. PAVLE WOIEWODZKI,

Sacræ Theologiæ Doct̃or & Professor DIGNISSIME,
per aspera & inuia, magnosq; difficultatum recessus,
virtute duce, & comite labore,

quæ sibi mutua iuuamina sunt,

iter tentasti;

plures vel imbelles facti, vel subitis territi periculis,

ad ima relapsi hasere, & in Ferream,

Tu pertinax recti, & victor laborum

in Fortunatam Honoris & sapientiæ Insulam, felicissimus enauigasti.

Ita nempe,

*dum Tibi teneras paravit casta Lucina Fascias,
genasq; satis formoso penicillo, natiuus depinxit virtutis color;*

non extra fabulam Midæ, formicæ in os grana congesserunt,

Tibi extra fucum semina Indolis egregiæ

generosa Parentum inseruit virtus.

illuxit adhuc in Fascijs, gemmeis Tuis ocellis aurea Cynosura,

cunas Tuas vagientes, natiuamque Phasellum,

ridentes circumdedere Gratia,

futurum ad præclara quæq; facinora fortunatiq; honoris Insulam,

prosperaturæ navigium.

Ac subito pede signans humum ingenui vultus puer,

& mascula probitatis apparuisti:

dum voto Parentum humanioribus es consecratus Camænis,

docilis ingenij Tui facilitas, & pietatis cultura,

doctæ futurorum Phæbades, bona de Te Orbi auguria dabant;

Te olim fore pro Rostris Periclem,

& ex Cathedra Doctorem admirandum.

studia Tua quæ fuerant in Adolescentia,

tanquam in herbis significabant ;
qua virtutis maturitas, & quænam mæsis industria Tua speranda foret.

Nondum ætatis prætextam egressus,
morum togam virilem induisti.

Tenerioribus literis excultus,
obstantia primùm ad honoris Insulam,
fortunatus exsuperasti pericula,
difficiles Dialecticæ symplegades subtili vincens ingenio :
post, Cursus Philosophici vada transijisti,
eò gloriosius, quò magis assiduus vicibus iteratis.

Inde

properasti ad victricis præmia frontis, immortalis gloriæ coronas ;
quas non prius Tibi Pallas Academica contextuit,
quàm turbidos perplexitatum gurgites tranandos proposuisset :

hos contemptore inertia generoso animo,

sagaci mentis acumine,

admirandâ in rebus prudentiâ,

incomparabili sapientiâ,

sollicito & pertinaci in stadio Philosophico devicisti labore ;

perbellè sciens,

nunquam socordia honoris deberi coronam,

& quos Morphaus amat,

hos dulciter præcinentem cuiq; ad gloriam Orpheum,

virtutemque odisse solere.

Assiduo conatu & robore mentis infractus,

doctæ frontis Tuæ multo perfusæ sudore præmium,

Laurum eruditam reportasti

Non dispare virtutum passu, & labore ad maiora contendens,

cursum gloriæ semper continuasti.

O quam Hyblæo ore, & Gratiâ dulci, Tullio facundior,

devincebas animos audientium !

ore & calamo felicissimus ;

in exedris Stoæ & Peripathi,

Divinior Platone,

subtilibus mentes obtusas pungebas argumentis,

suavi emolliens doctrinâ ;

quibus sæpe irretiti animi in dubio hærent :

imbuebas Iuvenes moribus,

ipse canon eorum & imago ;

Non esse

foret.

non esse recti animi iudicans, cuiusdicta & acta discordarent.

Ergo tantis illustris decoribus,

hæc emensus vada,

in Purpureas,

Illustrissimorum Lubomirsciorum Sreniauxæ vndas,

à littore soluisti;

non in turbidis, sed dulcibus & placidissimis Gratiarum fluentis;

vela pandens.

Quia

Magni olim & seculis omnibus memorandi,

Reipublicæ Polonæ Civis & Senatoris;

quem nec Cineæ vires, nec Camilli dexteritas exæquare poterant;

Illustrissimi & Excellentissimi Domini,

D. GEORGII LVBOMIRSKI,

S. R. I. Principis, Comitis in Wisnicz & Iaroslâw,

Supremi Regni Poloniæ Marschalci,

& Exercituum Campiductoris,

pretiosi cordis sui vniones,

III: FRANCISCVS Olstzinensis

& GEORGIVS Casimirienfis

interea CAPITANEI.

Hercules & Agamemnonnes magnanimi,

magni Patriæ nostræ futuri Athlantes,

Tuo Iudicio sapienti, & Institutioni crediti fuere:

quibus Tu honestissimarum literarum & virtutum instillasti rorem secundum;

ac eorum sinuosos in Te deriuasti Gratiarum rivos,

ut his secundantibus,

prosperiore navigio, ad Fortunatam Honoris & Sapientiæ Insulam,

iter maturares.

Iudicio tandem sapientum & votis Maiorum,

primùm Minori,

mox & Maiori Collegio, Professor dignissimus adiudicatus es;

ut quos enixa teneret cupido:

virtutis & sapientia emetiri callem,

tu nova dares consilia & exempla;

& quæ ad se viam impedirent pericula,

B

ne eni-

on esse

*ne enitentibus obstarent, obstandoque nocerent ;
felici doctrinæ argumento doceres.*

Toties Purpuratus Artistarum Princeps,

asperas difficultatum spinas

qua mentes pungerent discentium,

acutissimo ingenio amputâsti,

hanc togam purpuream,

sanguinei laboris conchylio tinxisti magis,

maximosq; impendisti amore literarum labores.

Ore roseo instillabas animis generosæ Iuventutis,

dulcem eloquentiam Tylicianus Orator:

iucundum discentibus erat ex Te Professore sapientissimo

dogmata scientiarum & virtutum normam traxisse;

Mirum citius quisq; proficit præcipiente Magistro & exemplari.

Hinc deinceps ad Sacræ Theologiæ Professionem vocatus,

illius recondita mysteria volvens,

& per plures Religiosorum Familias argumento victor,

quem non rapuisti in stuporem?

Tam ingentibus conspicuus dotibus,

non ignorans

haud esse inclyta virtutis domi delitescere,

nisi honore digna omnibus inclarescat:

summus Macedo non os populi meruisset,

nisi Orbem virtute adimpleresset;

ad beatam vicariamq; Coeli, gentis togatæ Insulam properâsti,

tantò felicior,

quantò Illustrissimæ Mniszchorum Domûs,

pernicibus Septenis celerior Pennis;

Illustrissimi & Excellentissimi Domini,

D. GEORGII VANDALINI MNISZECH

Palatini Volchyniæ &c. &c.

pignus carissimum

Illustris: IOSEPHUM MNISZECH

Capitaneum Sanocensem,

per multas gentium oras circumducens,

sapientiæ Divinæ illic pandisti oracula;

quæ admirati populi, oculis in Te defixis,

velut penduli Memnones attoniti stupebant;

solicitabantque voto maximo,

ut Cathedras eorum & Musæa,
magnus ex Orbe septemtrionali Professor,
adornares.

At qui florem legit, hortum datorem coronat

Tu, cū decora Tua erudita ex vberibus Palladis Iagellonicæ habueris,
illi, & non alteri consecrata esse voluisti.

Romæ, quantum circum Te spectantium & admirantium vota plauscerint?
quantæ in Disputationibus admirationi fueris?
tacito liceat venerari silentio.

Supremus CHRISTI Vicarius

ALEXANDER VIII.

ob admirandas virtutes Tuas & Sapientiam,
quantum Nominij Tuo detulit?

Quid amplius Tibi restabat,
ad Fortunatam Honoris Insulam?
quem, labor, sapientia, pietas, modestia, & encyclopædia scientiarū,
omnesque virtutes ornauere,

& cui strauere viam ad Honoris Capitolium,
Reducem igitur faustis vicibus in Patriam & in sinum suum,
Alma Mater, Te lætissima ulnis suis complexa,
& felicem Tui reditum sibi gratulata est.

Nunc tandem festiua virtuti Honorique Tuo occinit hilaria,
inter qua nemini licet tristem præferre vultum.

Hæc sunt virtutum Tuarum vestigia,
quibus latum & periculosum ad gloriam iter emensus es;
per tam confragosa & aspera,

Herculeis laboribus, & invicta animi magnitudine,
immortale quæsiisti Nomen;

quousque exsuperatis periculis omnibus,
ad Fortunatam Honoris & Sapientiæ Insulam constiteris:
& iam rarâ virtute, & indefessis laboribus,
victor stetisti gloriosus.

Q V A R E

dum Te eminus in tam conspicuo honoris folio suspicimus,
colimus, veneramur,

in festivo plausu Tuo exhilaratis gestientes tripudijs;

votis simul pro Te,

ad supremam Orbis Maiestatem, & incretam Sapientiam certamus,
ut vivas Doctorum Corona, & viva virtutum idea,

semper in auge Nominis & gloriæ fortunatus.

Et quia ultra Herculis columnas
in Fortunatam Honoris & Sapientiæ Insulam,
enavigasti;

ideò, quò altiores maioresque attigeris honores,
eò feliciori passu, & coronato Fascibus eruditis tramite,
progrediâre,

PLUS ULTRA.

ODE GRATVLATORIA.

DIvæ Sorores Numina prospera
Adeste quæso ! dum Sapientiæ
Prensat Neo-Doctor cacumen,
Aonijs date metra plectris.

Arguta castæ tendite barbita !

Io sonorum, & dulce melos sonet !

Nunc WOIEWODZKI Magno Honori,

Per Cytharas renovate plausum.

Excelsa virtus promeruit cani,

Quæ grande fecit Nomen in Inclyto

DOCTORE, quem sacris corymbis,

Theologum Decus en coronat.

Sudans labores pertulit improbos,

Nulliq; parcens ipse periculo,

Contendit Insulamq; Honoris,

Vsq; venit meliore passu.

Felix ut amplis auctus honoribus

Vivat, secundis non sine plausibus;

Nomen suumq; gloriosum

Fama ferat volitans per Orbem.

Magnus perennet DOCTOR in exedra,

Oracla pandens; Numina poscimus !

Describat ut virtute Fastos,

INSULA sitq; Beata semper.

Permissu Magnifici Domini

RECTORIS.



J. XXIII. B.

Tac
Bon
A.
qu
R
M
UNIV
B
BAE
be
B.



Biblioteka Jagiellońska



stdr0012847

